

BOBST LIBRARY



3 1142 01682 1194





**Elmer Holmes
Bobst Library**


**New York
University**

1875
1876
1877
1878
1879
1880
1881
1882
1883
1884
1885
1886
1887
1888
1889
1890
1891
1892
1893
1894
1895
1896
1897
1898
1899
1900

1875
1876
1877
1878
1879
1880
1881
1882
1883
1884
1885
1886
1887
1888
1889
1890
1891
1892
1893
1894
1895
1896
1897
1898
1899
1900







Ghānim, 'Abd Allāh

11

121-Andalib/

العَنْدَلِيبُ

مَجْمُوعَةٌ شِعْرٌ بِاللُّغَةِ الْأَهْلِيَّةِ

بقلم

عبد الله خانم

طبع بسعي ونفقة سليم اطف الله
سان باولو (برازيل)

مطبعة الريحاني — بيروت

PJ

7826

H273

A78

1940z

C.1

L-9642 JAN 21 93

NYU DOBBS I - PRESERVATION

01682 1194

كلمة الناشر

اهني عبد الله!

يا شاعر العاطفة والعذوبة احبيك! . . . ولكن اهون علي
واطيب لدي ان اطبع ديوان العنديلين هنا . لكن — هكذا شئت
فكنت لك كما تشاء . ومقدمة لمجموعتك النادرة بين المجموعات
ابعث اليك بهذه الايات :

قلب السليم مشتاق للاوطان ، وتارك رجوعو لهمة الرحمان .
شوقو لصوت العنديلين برن — بزهر الحصين وتجاوبو الوديان !
شوقو لصوت العنديلين برن ، وقلبو للملحق العنديلين يمين .
عالمجر قاعد « ببلاد البن » وييقول : ياريت المهجر ما كان !
عالمجر قاعد ناظر الرجعه ، وعالفراق لو كل يوم دمعه .
محلّي القعدي حد شي قلعه بزهر الحصين . نساهر الميزان !
محلّي « الدعقه » بنص شي يقلوم ، والحجال تنقر — دفاع وهجوم !
بكبير — نحمّل حالنا ونقوم . والعنديلين يقرالنا الديوان .
بكبير — نسكرو مانعد قداح . وسكروه لنديني ، سكره الارواح
صنين معدن للذكا الفواح ، والعبقريه نبعها لبنان !

سليم لطف الله

سان باولو (برازيل)

كلمة الناظم

اغني سليم !

هنا !

أمام وجه صنين الابيض - ليل نهار ، وصيف شتاء ،
بقرب « خيمة الناطور » معشوقة رشيد أبوب ،
في طريق النسمات الراكضة صعوداً الى شخروب مخايل نعيده ،
وبجانب « يقلوم » سليم لطف الله الشاعر الصياد !

هنا !

على « ظهر الحصين » - جبل المردة ١٠٠٠ !
ضمن صخر يكوّن تجويفه « وكر العندليب »
وفي الوكر المشرف ، من علوه المستقيم ، على غور « وادي الجماجم »
البعيد، المتطلع الى صوامع « جبل الزعرور » ، والى « طاقة الشالوق »
و « الشحطة السوداء »

هنا !

في ، فترات سكون رهيبه - بين « أجراس الكراريز » ،
و « زمامير الرعيان » ، وبين مرشحات الحساسين ، ومحاضرات الحجلان !

هنا - حيث كتب العنديل مقطوعاته التي احببت ، اكتب اليك
الكلمة التي ستقرأ :

يهون عليك ، يا أخي ، ان تطبع « العنديل » ، في مستعمرتك
البنائية الصغيرة ، بالبرازيل . ولكنت حرمتني من كلمة شكر ،
ازود بها صدر المجموعة ، وارسلها اليك ، والى ابناء عمك ،
واخوانك^٢ اللبنايين الجابرة . فنفسكم الكبيرة تأتي عليكم
ان تسطر لكم - وبإشرافكم - كلمات الشكر . - على أي مكتف
بأن اقول :

« انكم قوم « لا تلهيهم تجارة ولا بيع »^٣ عن خدمة الادب
ونشره . هدى الله بكم غيركم من نواظير الكنوز المستخبرين .

(١) السيد ميشال اسعد ، واخوه : السيدان شكر الله والياس من اكابر
رجال الصناعة في البرازيل . يوتونون المدرسة الشرقية ببسكتنا . فتديرها بمالهم
لجنة محلية باشراف الاستاذ ميخائيل نعيمة . وهم اصدقاء المشروعات الخيرية ،
والعيال المستورة وكبيرهم السيد ميشال حائز على وسام المعارف من درجة ضابط .
(٢) السيد سليم لطف الله واخوانه : فيليب وفؤاد وجوزيف - اصحاب
معامل ومناسج الحرير الكبرى في سان باولو (برازيل) ومن وجهاء الجالية
وادبائها الناهضين وكبيرهم السيد سليم من الادباء القوميين المعروفين .
(٣) قرآن كريم .

ثم — تعلم ، يا اخي ، ولا يجهل غيرك — أني من اصدقاء العربية
الفصحى ، ومن سدنة مذبحها ، القائلين بالمحافظة على صحة اوضاعها .
فمنذ عشرين عاماً اخدمها : مؤلفاً ، ومعلماً ، وصحفيًا ، ومترجمًا —
وبالخصوص : شاعرًا . — ولم يكن انصرافي ، خلال فترات ،
ومناسبات صحفية ، الى النظم باللغة « الالهية » ثورةً على العربية
الفصحى ، بل تنويماً وتشكيلاً . ومساعدةً في احياء فن . أهليّ ،
مشى الى جنب اللغة ، في جميع عصورها ، فكان موطئته شغف القلب .
— فهو ايضاً شعر — او قل : إنه ، مع ما يجانسه في بساطته السليبية ،
والوانه الزهّارة ، وصوره المتموجة ، هو الشعر !

اما فضلي على اللغة ، التي تعلمتها من امي ، فمن قبيل الغذاء الروحي ،
واما فضلك — وانت ، قاضي الهوى ، — فمن قبيل الغذائين !

فتعال ، يا اخي ، نبشّر بأن : لافرق بين لغات الادب وامكنته —
على شرط ان يكون حساساً ، لا قطعاً للصور ، ومذباغاً صادقاً لنبضات
القلب .

تعال نشجع ، الفطريين ، والمثقفين كي يسيروا بهذا الفن الى الكمال
مبتعدين فيه عن كل اصل لغوي ، وعن كل كلمة لا تتبناها الجدّة ،
حاملة المغزال . وهذا هو سر البلاغة فيه . — ثم تعال نقل للناس :

ان ما يعجبهم من هذا الشعر ليس وليداً للسطحية ، بل هو نتيجة سهو
وتدقيق .

وسلاماً عليك ، يا سليم ، وعلى الشاعر بن شعورك ، يستقطره
لكم من :

« زهر الصليب » والاقحوان ،
و « دبوس الراعي » والبلان ،
و « الوزال والزريق »
و « الزنبق الاحمر والشقيق »
هذه الالنبته العطرية التي « تلفف » بقلومك — اخوك

عبدالله غانم

بمسكنتنا ١٩٣٩

العنبرليب

قصة . غرام . حكمة

« يا ربني ما عرفت يوادي الغرام ! »

« كلو فتافيت قلب، ونساو بر عضام ! »

قصيدة الحياة !

خيالات - ماشي مثل « زرق النجم » !
بليلة ضباب ، وغيم • بليلة عتم •
ومبيّضين - بالشغل معجوقين ،
تا يبيّضو وجهها - بشقفة فحم ...
خيالات - ماشي مثل « زرق النجم » !

خيالات عميا - مركّبه نواضير !
بحيرة ضباب ، بعجها شخاتير •
هون بتتدعفر ، وهون بتقوم !
مقدور عميضك على نديير •
خيالات عميا - مركبي نواضير !

شخاتير - والي أمرها المقداف !
محابيس - من حيط السجن بتخاف !
وشباح - عمستقبل السلطان
بدفوفها • ويطلعن السيّاف •
شخاتير - والي أمرها المقداف !

خيالات سودا — تفرق مناعي!
بيستفولو منها ، بلا داعي .
قراقير جفلائي — وراها دياب!
وشو الفرق بين الديب والراعي؟ ...
خيالات سودا — تفرق مناعي .

قوافل شباح ، محملي دخان!
شي ضاهره ، شي فايبي عا نلان .
لوين رايحين؟ لهون . ووين كنتو؟
هون كنا — بيضة القبان!
قوافل شباح ، محملي دخان!

بجيرات — جايي من فرد خزان!
شلاعي وهم — لا كيل ، ولا ميزان .
كبيز الحجم من شغل ديئاتو ...
والزغير بيمعيره: كسلان!
بجيرات جايي من فرد خزان!

عناقيد حلوه ، بنصّ كرم كبير!
شي مجبجي ، شي بعد فيها كتير!
صحاب الكرم عميقطفوا الغيات !!?
والتعالب قاعدي نواطير .
عناقيد حلوه بنصّ كرم كبير!

مقصّات كيفا كان عمبتقصّ .
شبعان وعاخزات غيرو بلصّ .
النجوم ملفلفة بالغيم ،
وحشرات سودا دناها بتبصّ
مقصّات كيفا كان عمبتقصّ

خيالات ماشي مثل « زرق النجم »!
بليلة ضباب ، وغيم . بليلة عتم .
ومبيّضين — بالشغل معجوقين ،
تا يبيّضوا وجها — بشقفة فحم . . .
خيالات — ماشي مثل « زرق النجم »!

سُوكَةُ الزَّعْرُورِ

اسطورة

المرحلة الاولى

بنتك « كبيرة مخ » ، يا رجّال ،
ما بتعمل الشغلي ، بلا موّال
حكيمها ! بلكي بتتغير ...
حكيات خالتها عليها تقال .

بدّي الصرفي ! قال بو طنوس .
هاتي ! عطيني ، يا مرا ، فانوس !
بني - كبيرة مخ - عارفها .
وراسها لازم يكون مهروس !

- قومي ! يا رفقا ، ساعدبني شوي !
البت ، مش لازم تغيض البي .
بدها تغسل خالتك بكبير .
ولا في حطب عندنا ، ولا في موي

قومي يا رفقا، ولّني الشاعوب ،
والفاس • بدنا نزوح عالمسروب •
يا لله ! ألحقتني ! ليش هالجمدي ؟
كل البناات غديبو على العكوب •

المرحلة الثانية

رفقا ! أمسكي هالعود تنقصوا ،
وتبتيلي ابدك بنصوا •
غضبي وئزلت فوق كتف رفقا !
الكتف انكسر ، والعود ما خصوا !

صاحت ، حزيني ، بصوت مثل الرعد •
والهرش قال : آخ ! وقام الركد •
فاتت بابدو شوكة الزعرور ،
وقبل ما يفضي أختفت بالجلد •

ويبي بنتك ؟ قالت الهرشي !
قال : أسترحت ؟ بعد بدك شي ؟
قتلتها كرمال خالتها .
حاج كل يوم نعملنا ورشي !

المرحلة الثالثة

ورفقا البيتمه تجبجت بالدم .
ولن هرب ، قالت منامي تم .
وهدت بائيدا كتفها المكسور ،
وصاحت : العالم ام . كلو ام !

ومشيت ، بقلب الحرش ، موحودي .
والحرش كلو ضباع ، وفهودي .
« لا تطلعي ! يا شوكة الزعوور !
تا صير قبي شيلك بايدي ! »



الطقس أنقلب • شئتَ الديني طَوف •
وبالحرش في مغاره عليها غَوف •
المقدور فوتها بطاقتها • ،
ومن خوفها ، ما عاد عندا خوف !

المرحلة الرابعة

مين هاد؟ قال الفارس الصياد !
مين عميغني ، بصوت كَلَو فقاد ؟
وطل • شافنا بزارة القطبين •
سبحان ربّ الخالقك ! شوهاد؟؟؟

قومي ! وراحوا عالقصر بالحال •
وحكّ لها إيداً ، وصحّت عال •
في يوم شافنا مرششي بالدمع •
بتبكي ؟ وإنتِ المال والرسمال ؟

بيّ معتزّ • غاوزي شوفو!
 بيّ مغرّ قتيّ • بمغروفو •
 بيكون قفّة همّ ، بدّي روح
 صوبو ، اليوم ، وبوّس كففوفو •

المرحلة الخامسة

ختيار • ملو البيت تنهيدو!
 مهجور • همّو تجاوز حدودو •
 مورّم ، وصار لو زمان بالفرشي ،
 وشوكة الزعرور بعدها بايدو!

نخت عايدو وبوّستها بجرّنا
 وشالت الشوكي ، وكان صار لا عمر •
 وعاصان زوجا ركّبت بيّنا •
 وعاشوا بهنا ، وراحه ، وقضاوة فكرر!!!

حتى القمر !

طلّ القمر ، يا مبي ، لكن خلّتو
مبغوت • مش مثل العوايد طلّتو !
قومي ! أسأليه : شومصيتو ؟ شوعلّتو ؟

طل القمر — عينو ترغرغ بالدموع •
بيظهر عليه موجوع جوات الضلوع •
لا تسأليه ! قلبو مفارق خلّتو !

حتى القمر ، يا مبي ، يشكي من الغرام •
والناس بتلوم بعضها • والله حرام !
وما في خدا بيشيل ميّ بسلّتو ••• !

قومي !

أمام وجه صنين ،
بين أضلاع صخوره ،
عند بزوغ الفجر

مي ! قومي • ولّني حالك !
ما بظن راح الفكر من بالك •
غرقو النجوم ، وكحلّ الشرقي •
ومش عاقصك برغوت • نيسالك !

مي ! قومي • الديك عمبيصيح ،
والعندليب عميعمل تساييح ،
والضوء راح تطلع قرونو مليح •
وعبد الفقير ، من طلعة الميزان ،
ملفلف بشوق ، وساجد قبالك !

مي! بجاتك! غدرنا الضؤ .
وبخاف يوماً ماء، تقولي: لَو...
ليكي الطيور، كيف رفرت بالجؤ ،
وليكي الجبل كيف يتنو كتافو .
المشوار - بعدو مليح . مع ذلك ...

مي! مي! شو صايبك؟ يا مي!
الخبٔ - لا لَو أم، ولا لَو بي .
شو خايفه تتجرسي بالحي؟
الي بتفتح تمها بمحك ،
قوليلها: «نشالله على قبالك!»

مي! قومي! روجي تنشوف!
عبد الفقير، عا خدمتك موقوف .
راح تجبريني قول، عا لمكشوف:
كنتك أميني عالهد، قومي،
وان كان «آه» ممنون أفضالك!

مستحيل ٠٠٠!

يا كحلة العينين ! فولي شوربي ؟
لا بتاكلي ، ولا بتشري إلا بيكي !
قتلتك من زمان : قلب اللي معي ،
من شلوشو . من صاصيمو لك !

من زمان قتلتك ، وما تك قانعه !
وما بشوف عينك ، يوم ، إلا دامعه
بيظهر لغيري ، بالبيكي ، عمشتكي ،
مش لي أنا . وبجب غيري واقعه !

بيظهر أنا مغشوش ؟ لا . لا . مستحيل .
قلي دليل ، وليش قلبك مش دليل ؟
كفتي البكي ! وتأ كدي إني لك
يا كحلة العينين ، وما عندي بديل !
لا تشغلي فكرك ، بعد ، من هالقيل !

ويا دايم الاعسان !!٠٠!

بودان - عمبيطرقو سنانو!

جيعان - عمبتروط سيقانو!

مشاع مملع ، «شجرة شرايط» .

ويا حيف! بعدو بعز نيسانو!

داير ، تا يطعم عيالو .

وكيسو المرقع كل رسمالو .

الله يعمّر بيتكم! الله

محتال! ليش ما يطلب لخالو?

بينام ، طول الليل ، عالتتور ،

وتكحيلة الشرقي يقوم ، ويدور .

وما ييلمحو مخلوق تا يقللو :

ليش ما بتعمل شغل يا مقبور!

ليالي مطر ، ورياح ، ليالي برد .
وداير يجبّص بضياع الجرد .
حفيات تا يّينن قلوب الناس .
والناس يقولو : يموت للقرد !

مات الفقير من البرد والجوع .
وما كان - لا مروض ولا موجه .
شو هالقساوه ، وهالكفر ؟ ياناس !
مش فايقين شو قلاّكن يسوع ؟

قاموا الفقير ، عالمقبره ، الكدعان
بيضمّ ، عند الناس ، في ايمان .
عميشلجوه - «ويا دايّم الاحسان !»
يّيّنن كمر مبروم عا وسطوا ،
محشوك . فيه «ميّة دهب رنان» !

حسبني محمّر؟!

هموم السما والارض فوقي مدركي .
يا عيشتي! قدّيش منّك متعي!
ليالي الشباب لفلقتها بشملة هموم ،
من يوم ما شفت «الغزال الربري»

ليالي الشباب - قضيت زهرتها مهر
تربش فراقيات ، عا ضوء القمر!
شاشت ، باليل الدموع! ما أستعك!
وشبعت روجي قهقره . حسبني حجر!

شبعتني - الله عليك - همّ وقلق .
والصخر ، لو كان مطرحي ، كان أنفلق .
عندي مصاب ، قدّ ما بتقول قول!
وبنصّ دينا الحبّ طالعلي «غلق»!

الحبّ قاسي • الحبّ - مكتبلي نصيب •
ما يحملّ عنتي ، ولو استعطاني الطبيب •
لا ضمّ عا جمر الغرام إشوي العظام !
تا يقول «إهل الكار» : مات العندليب
من حرقتو • يابموت ، يابيلفي الحبيب !

يا ليل !

يا ليل سلّمتك قمر • وين أختني ؟
ومن وقتها - ما حوّكت عيني الغفا •
إن كان فكرك تسرقو تحنّتها !
وان كنت قاصد يخرق قلبي • كفي !

ان كان فكرك يكتوي قلبي اکتوي •
لفحة هوى تطير رمادو بالهوا •
ليس بدّ ما يلقوه ، ويجمعوا سوا
رمادات قلبي • ويسألوه : ليش اختني !؟

بافنة بنفسج
قصة عاطفية

المرحلة الاولى

مثل الورد نجلا ، على غصانوا ،
ومتل القمر بعزّ نيسانو .
قامة رمح ، وعيون تدبح دبج ،
ورتمّ «الصغير» مَهَيَّب سنانو !

مات بيّها ، وأستخدمت تا تعيش .
تكنّس ، تملّي ، وتقبض البخشيش .
عيشة تعاسه ، وبهدلي ، وتلبيش .
يا ربتها ، هالعيشة المرّة !
ما يشوفها مخلوق بزمانو !

وفوزي وحيداً ، وأبن بيت كبير .
مرجى الدلال والفي . ابن المير .
أمو المليحه ترملت بكير ،
وربت وحيداً مثل ما يبري
ولاد الاء كابر . وين ما كانوا .

صار شبّ فوزي - مثل «عود الزان» .
بين الشباب ، يا فارس الميدان !
صياد ، بصلي نخوخ «لغزلان»
علقت غزاله اسمها : نجلا .
لمن لمحا تغيروا لوانو !

امو لفوزي اليوم معجوقه .
بتفوت ساعه ، بتطلع دقيقة .
عندا صديق ، عواطفو رقيقه !
ضيعان ما بكيت على المرحوم .
فك الحداد . ودابت حزانو

ونجلا ، وفوزي غارقين بالحب ،
ورايدين بعضن - بقلب ورب
طلت الائم - مثل الحجر لو هب !
يا بني ! نوعي ! يا حبيب قلبي !
مين حب صانتو أنكسر شانو .

قومي ، يا بنت ! تيسري عنا
ويا بني ! يا روحي ! طلبو وتمني !
خالي الدجاجة تبات بقنا
والنسر ، يا بني ، أن بات جوا القن
بيت الشرف يتزعزعا وكانو .

يا بني ! صبايا كثير . كلن ظرف !
وكل واحد منهن بتسوى ألف .
الناس يقولوا : رجعنا خلف .
وبيت الشرف . بيان عشر جدود ،
ما هو حرام بضيع ميزانو ؟

المرحلة الثانية

راحت • حزينه ! وراح معها السعد •
وزاد قلب فوزي ناراً ، بعد البعد •
نسل الشرف مشهور بحفظ العهد •
داب • احترق ما عاد نام الليل •
ضيعان قلبو ! يدوبلو غصانو !

كاهن • حكيم • وناس ملو الدار •
فوزي مريض • محموم • مثل النار !
ما في رجا ! قال الحكيم للجبار ••• !
وأّم فوزي تصيح ، وتولول :
راح بسببها • راح • ضيعانو !

المرحلة الثالثة

ياغبين شبّ الطري ، ينحطّ بالحفره !
وياغبين أمو الحزينه تشرب الحسره •
كانت تحي كل يوم ، صوب قبرو ،
وتشوف باقة بنفسج بعدها خضرا •

وتشوف باقة بنفسج بعدها جديدي .
مين مدّ ايدو لقبر ايني قبل ايدي ؟
هيدي اللعينه ! سبب تعترنا هيدي .
قبلي ، وقبل الفجر . مدوّم تجي عالقبر .
بكره بتنسى ! وقلبي ما الو بكره !

بكره بتنسى . وأنا ، أمّو الحزيني ، يضم
جرحي معزّر ، طري . يادل قلب الام !
عام الحداد الطويل — عام موت فوزي تمّ .
والايم ، عالقبر ، شافت باقة مبارح !?
ضحكت ، وراحت ، بأخر يوم منتصر .

ضحكت ، ووضعت عاشهر ، تطل صوب القبر .
وما كانت تشوف ، فوق القبر ، جنس الزهر ؟!
نسيّت ! لعينه ! وأنا ما نسيّت . شوفو العهر !
مات بسيمها وبعد ما تغبرو كفانو .
الايمّ وحداً أميني ، والغرام سكره !

المرحلة الرابعة

قدّام باب الائمّ في مكتوب .
قرّيت ، وبكيت - من قلب مكروب
« نجلا مريضه » . ومن شهر بتدوب .
« شقّفوني ، وأزرعوا عظامي
حدّ قبرو بلزق حيطانو ! »

ومانت ! حزيني ! مانت من الهم .
ماتت وعينا مثل بركة دمّ .
وكرمال فوزي جنّزتها الائمّ ،
وبكيت ، وحطّت جسمها الغافي
بقبر فوزي . حدّ « جثّانو ! »

المرحلة الخامسة

جنب القبر ، في ورد عا أمّو
وصفصاف يمسح دمعتو بكّو ،
« خيال » لاطي ، ملفلف بهتو !
وباقة بنفسج بعدها خضرا !!!

ونسئتم الوردات !!!

ضدِّي وعديني ، وشقلي بوعدك .
وحرقتيني قدّ ما بدّك .
وكلما تذلّت قدامك ،
شدّي طلوع تا تاخدي حدّك !

وكلما تذلّت ، وتدخلت .
وكلما خنمت اني وصلت ،
وأن قتلّك : راح موت . وأن ما قلت .
ضمي بعديني ، وشوشجي بيدّك .
وضمي وعديني ، وشقلي بوعدك !

وان قلّتلّك : حني عليّ شوي .
بلكي بهدّي من الشمس للفيّ !
ناطر أشاره ، أن مت ، بوجع حيّ .
وبالحال ، والسرعه بيجي لعندك .
بس وعدي ، ولا تغيري بوعدك !

ناظر اشاره ، وشفتهها بعينك •
وركدت صوبك - ما عرفت وينك ؟ !
مين علمك تا تاكلي دينك ؟
مالكار - لا لبيتك ، ولا لجدك •
وليش توعدي ؟ وتغيري بوعدك ؟

مين علمك تا تخرّ ميني النوم ؟
وكلّ يوم بقول : بلكي اليوم !
عندي الدقيقه طول شهر الصوم •
يتال قلبك ! عايشي وحدك ،
وبتوعدي ، وتغيري بوعدك •

عندي الدقيقه قبال شهر صيام •
وصدّ قيني ، أن قلت : مش عنمام •
ليس بدّ ما تتغير الايام ،
وتقعد لناشي دقيقتين حدك !
ونشمشم الوردات عا خدك ٠٠ !

ام المهاجر

بين بائع دوّار وعجوز

— المطار

يَسْمِي ! دفت ، ونشّفو تياي .
ليش تلعّطي الخطبات عحساي .
بجياة ربك ! حاج معجوقه !
هالشغل كآو صار لعداي !

— المعجوز

يا أُنبي ! تدفأ ! ألف أهلا فيك .
مش راح تخسرنا — ولا متليك .
من خير الله ، كل شي موجود .
والبيت بيتك . قوم تنعشيك !

— المطار

يَمِّي ! كثير هلقد • شو هالشغل ؟
شككين تلاتي ، وفرفين ، وفجل •
من نصّ ساعه كلت • مش جيعان •
ويَمِّي ! شو بعدك جايي بالمقل ؟

— المجوز

كول يا حبيبي ! كول • حاج محتار •
أهلا وسهلا بغريب الدار !
كول يا حبيبي • ونام تا ترتاح •
كاو عذاب، ويهدلي أهلكار !

— المطار

يَمِّي ! ما بدتي فراش • بجياتك !
ومعي حرام ، من فضل دياتك •
لا تفرشيلي ! نمت وتغطيت •
ردّي الفراش — برحمة مواتك !

— العجوز

قوم نام ، يا أبني ! قوم • حاج زنهان
مطيهـر • وتكيلي شكال ولوان •
ما بشوف غريب تا يهفّ قلبي ليه ،
ومش فارقه عندي منين ما كان •

— المطار

يمّي ! سمحيلي اسألك كلامه :
ليش كل هالفحطة وهالقمه ؟
كل شي تغرّبت • كل شي برمت ،
ما سمعت نغمي مثل هالغمة !

— العجوز

ابني غريب • هونيك • خلف البحر •
داير يبيع ، « من الفجر للنجر » !
عا فراق إيني ، القلب بعصر عصر •
مدري بموت من قبل ما شوفو ؟
مدري ييجي ، وبعيش تاني عمر! ؟

قال عندها بالبحر مستوره !!
قصة لبنانية قروية

المرحلة الاولى ،

- أستير - كانت بنت مستوره
- ما فيش عندا غير تنوره
- عالعين تلبسها ، وعالتتور ،
- وعراية البقرات بالبوره

- عالعين تلبسها ، وعالقداس
- ترستق أمورا ، مثل كلّ الناس
- أستير حلوه • « دايبه دويان »
- بنص الكنيسة ، أن شافها الشاس
- دار صوبها • تترق الصورة !

أستيز حلوه • توحمّت عالفجر
• أمها • وجابتها « بليلة قدر » •
الليل كحلّ عينها بالميل ،
وفرط عاوجها الروض باقة زهر ،
وودّ الها ، من الطيب ، قاروره •

الليل كحلّ عينها بيلو ،
والفجر لفلها بملو •
عاجسها في شغل - حفر ونفر •
سبحان مين سواه بزميلو •
ما صار متلو بكل هالكوره •

عاجسها في شغل • آيا شغل !
سبحان مين حير بشغلو العقل !
ما شافها مخلوق حتى قال :
• ضيعانها ترعى بقر بالحقل •
• ضيعانها ما تكش « سنيوره » •

ما شافها مخلوق ، حتى صاح :
ضيعان قلبيا تكون بنت فلاح .
ربّ العملها كان فاضي الفكر .
وَيَن الشباب تعشق صبايا ملاح ؟
هالحسن ، مش مخلوق لديوره !

ربّ العملها من شرايط نور ،
عاجينها صورتها المقدور .
ودالها ، من شغل ايدو ، شب
عمرو تمتنا عشر سنه و كسور .
من ساعتو جيبها بقلب ، وربّ ،
وصار قلبها جنينة هنا وسرور ،

وتعاهدوا ، وتماعدوا ، عالجب ،
من بعد عشرة ست سبع شهور .
ضحكت الأُم بعها ، والأب
ضم خايف . والتجما لحيه ،
بلبنان كاتو اليوم مشوره :

ضمّ خايف شقلبات الدهر .
وقال : ما بينفنا كثير الصبر .
مرى البحر — عاغيار ، مثل البحر .
كل يوم منقول : بلكي اليوم . .
بدّي النتيجة تكون مقفوره !

بدّي النتيجة . جرتني الناس ،
وما عاد لي عين روح عالقداس .
قلت الائم — وقلبها مقهور :
صبرلك شوي ، تنشوف ، يا بولياس !
ان قلت كلمه ، البنت راح بتبور .
لا تقوها . هالشب كلو راس .

وان فل عنيا ، وخاطرو مكسور ،
بتموت بنتك . قلبها حساس
ما عيرفت : أمو مر كيتي الناضور ،
وعا صدرها بتدق ، تاتفنكس .
صارت كبيره كثير — منتوره !

صارت كبيره بوقت حزّتها .
وقيمة الناس عا قد عازتها .
مش قابله أستير كنتها .
قال : هي شريفه ! ونحن فلاّ حين !
قال : عندها بالبحر شختوره . . . !

قال بدّها منا رصيد حساب :
خزانه ، وصيغه والف شكل تياب .
— روقي ! — الليله راح بدّبرها .
من وصلتو بسكّر بوجهو الباب .
وبنتي أن حكّت راح طمها بجوره !

المرحلة الثانية

فلّ الصهر ، حردان من عمو .
وبعدو ولد ، راح يشتكي لأمو .
كيف احتملتو ، وما شربت دمّو ؟
يا حيف ! كان بيك ، و كان جدك
بين الطيور : عقبان ونسوره .

يا حيف! كان بيك شرارة نار
وبعلبتك ما في ولا مسمار .
دم الصبي ، من حكي أمو فار ،
وزتد عصاتو ، وصار يتمرجل .
من دمئُن لا طوف نهوره .

زتد عصاتو ، وراح يصلي شرور .
وفات صوبها - لا شور ، ولا دستور .
يا بتلحقتيني خلف سبع بجور ،
يّا بخلي بيتكم خربه
قامت . - وتلّ السبع قرقوره !

قامت . - ودار العرس ، ثاني يوم ،
واهل الربع ، بالخمر ، عامو عوم .
بلا طول سيره ، وما مضي كم يوم ،
تا صبّحو مثل اللحم عالضفر .
والبغض حطّو مطرحو صفوره . . .

ما يعود خليك تلمحو !!!

دقت على صدري وقالت لي : فتحو !
تا شوف قلبي ، أن كان بعدو مطرحو .
وأن صح ظني ، وشفت لو عندك رفاق ،
بسترجعو . وما يعود خليك تلمحو !

وأن صح ظني ، وشفت لو عندك رفاق ،
بسترجعو . وبنسى ليالينا العتاق .
قلبي ، أن هجرتك ، يدبجو مره الفراق ،
وان ضم عندك كل ساعه بتدبجو !

وادِي الغرام !

من حين فارقتك ، عضامي تَتَمَخَّخُو
وشلوش قلبي تورّموا وتنفخو .
قلبي مشلوط — كتر ما تولّعت فيك ،
وجفون عيني ، من الدموع ، تسلوّخو .

وراسي انظرم ، عا قد ما بدور عليك
بقدر صحابو . أن كان كل الحب هيك !
يا ربّني من الاصل ، ما توصلت ليك !
وشلح الغرام اللي زرعتو بمعولك ،
يا أبْن الاصل ! ما كان حدّك نكلخو .

يا ربّني ما غطست بوادي الغرام
كأو فتافيت قلب ، ونساوير عضام .
مين كان عندو عين خايبها تنام !
ومين كان عندو راس أوعا بدوخو !

ومين كان عندو قلب ليش تايجمّلو
هموم الدني ، ويجربقو ويكربلو
يا تابعين الكار ! اصحا تزعلو
الحب قنطار خل عا درهم عسل ،
والحب ما في عضم الا تختخو .

الحب دربو كلها شوك وابر .
والحكي للماشاف ، مش مثل النظر .
مش قاشعين كيف صار جسمي من السهر ؟
نخار ، شي لفحة هوا بظربخو .

مش قاشعين كيف تختخ عضامي بهواه .
ومع كل جورو ، ما طلبت الا رضاه .
وكل ما تغنج ، بعيني زاد حلاه .
حقو عليي ، أن قلت : اني بعدو ،
وحقو عليي بحيث كان حكمي رخو . . . !

مطرح مليح ١٠٠!

قلبي تركني ، وراح . ما بعرف لوين ؟
وبس راح . صدري التهاب عالميلتين .
بيظهر اجا ، تا بندعقلو دقيقتين
حدك . ويفضحك سرارو هالغشيم
قومي ! افتحي ! عالباب صار لي ساعتين .

قلبي اجا . يا ريت عمرو ما اجا !
فاتح ضلاعي ، وناطرو من دون رجا .
هربان مني ، وعارف لمين التجا .
مطرح مليح . لو جابني ! شو كان خسر ؟
قومي ! فتحي ! تا عاتبوا بشي كلمتين !

قلبي مخزق هون • بدى اقشعوا
بلكي : بلكمي ، بكلمتين ، بقشعو •
وان ما قنع ، يا مي ، راح بقعد معو •
مطرح مليح ، صار لي زمان معاينو ،
وما عاد صبر قلبي • سبقني بفشختين !

قلبي لجوج • ما عاد صبر تا الحقو
ما أغشمو فزعان افي اسبقو
الناس من دون قلب عمال بعشقو
وأنت لك قلبين ، وما بتتحركي
حبك تقومي ، وتفتحيلي الدرقتين !

قومي ! افتحي ! وطلّي قبالي بتقشي
مجنون ، عميناغشك من دون وعي •
قلبي معك • لازم يكون قلبك معي !
قرضه ، ووفاه — هيدي معاملة الصحاب •
ما بساحك ، يا نور عيني ، بالتنتين ••

حكّتي الجاره ، بتسمع الكنه !

حولك طيور كثير ، يا حّني !
سيحان رب الكونك جّني !
في طير منهن جانحو مكسور ،
دريشات صدور مدبغه حّني .

في طير منهن جانحو مقصوص ،
وسراج قلبو شحيح ، عمينوص ،
وعين الامل عندو بلا بصبوص .
حّني على هالطير يا حّني !

حولك قلوب ، وبينها قلبي .
طلّي اقصيه ، هربان من دربي .
كلمي زغيري ، بحطّها بعبي .
وكان خابني يحو عليك الناس ...
حكّتي الجاره بتسمع الكّني !

ما في مثل صينين !
نظمت في الفجوة
التي يتدفق منها ينبوع الهدار

مش عاجبتي وفتتك برا .
بيظهر بشي مشوار معتره .
حاج حايبه . وين بدك تروحي ؟
ما في مثل « صينين » بالكراهه !

حاج حايبه ، وتتطلمي بالدرب
ياامي ! راح ييجر سونا العُرب .
عميقصدونا ، من الشرق ، والغرب ،
تا يقعدو لئن يوم يصنين ،
وينسوا هموم الكون بالمره .

تا يقعدولن ، يوم ، بكنافو ،
ويتغلغلو بفيّات صفصافو ،
كل الحسن مشلوح عكتافو ،
والقاصدو ، مالوش قلب يفلّ .
وأنت ، يا مي ، مولّفي الصره ! . . .

كل الحسن مشلوح عادربو ،
والقاصدو ييلزق بعبّو !
وأن فلّ منو بينشلع قلبو !
وأنت - الخلقه بخرج صنين !
ليش تحودي ؟ ما بتحرد الحره !

وانت الخلقه هون ! موتي هون !
عندك جبل - مالو متيل بالكون .
ايض ! ملون كل ساعه بلون .
سبحان رب الزوزق لوانو !
ومش عاجبك ! تا تمشوري لبرا ! ?

سبحان رب المخطّط سواقيه !
وكسر قوارير الذكا « بواديه » !
وورد خدود اللي بيسكن فيه !
وهشل هموم الدهر من راسو !
وما فتمو شو العيشة المره !

هشل هموم الدهر ! الا شوي
بعدن بقلبك قاعدين ! يا مي !
جاوبت ! من قلب مكوي كي :
« بدي حبيب يكون لي وحدي »
ما يريد واحد تعشقو الكره !!!

لا بتشمي ولا بتمرتي!

يا دمعتي! من زمان حاك تزلقي .
بترغري ساعه ، وساعه بتخرقي .
خزان عيني فاض . وأنت محاصره
بالباب ، لا بتشمي ، ولا بتمرتي .

خزان عيني فاض من كتر الهوى .
وأنت ببابو قاعدي تشمي هوا .
لا بتكرجي تا يكرجو دموعي سوا ،
وان زدتها عليك تفوتي وتغلقني !

قبل السفر وبمعه

قبل السفر

قولك - ° بتبقى ، هيك ، حالتنا ؟
لنير التعب حانين رقتنا ؟
منز كدا ، منز كدا ، والعشا زعتر ،
ومغمصه بالدم لقمطنا ؟ !

منتعب ، وما شفتنا نتيجه تفر ،
ومخندين انا : سباع البر !
ما أغشمو القال : الطمع يبضر .
اللي طمّيع نال غايتمو ، وارتاح ،
ونحنا - مصيبتنا - قناعتنا . . . !

اللي رحل صار «كونت» ، وأبن البيت
راضي لإبنو بعروس الزيت .
وباريتنا ، من دون شغل يا ريت !
كنا منرضى بغلة الرزقات ،
وكنا منتعزى . براحتنا .

قومي ! قبل ما يصير عنا عيال ،
تروح ، عا بلاد الهنا والمال .
لهونيك — مش عمياخدوا رشمال ،
وعميغتنوا بسنتين وتلاقي ،
ويتحككوا يدين رقبتنا .

عافوا الفلاحه ، وكستروا المساس ،
وراحوا ، وصاروا اليوم ، احسن ناس .
روكز ، وحننا ، وابن عمو الياس ،
ويونس ، وشعيا ، وابن بو طنوس ،
هو كلهن كانوا بخدمتنا !

راحوا ، وجابوا ، من الذهب كرات ،
وقتّوا رزاق ، وعمروا حارات .
وبعدنا منجرتق الكرمات .
وأن فاض عتّنا شي قرش مقدوح ،
عمتاخذو منا حكومتنا !

قومي . الكسل بامي ، خي الكفر ،
والحسد ييموت من القهر .
قومي ، أخلصي ، ما عاد عندي صبر ،
ومش عاجبتني ، هيك عيشتنا !

بعد السفر

قولك - بعد منشوف ضيعتنا?
ومنجتمع بولاد حارتنا?
ومنزلنا مشوار عاصين?
ومنغب غبته من موبتنا?

وقولك - منرجع مثل ما كنا
نغني عتابا ، وننظم معني?
خيرات الله كان في عنا:
دكا كيجنا كانت ملافي دبس ،
والقمح فاير من كوارتنا!

قولك - بعد مزروح نصلي دبوق?
وننظر الكرم بفيّة الشبوق?
وناكل قلاحين ورد ، وبرقوق?
ولا نعيش ببلاد التعب والكد.
وبعد الشقا نفطس بغربتنا.

وقولك — مزجع بعد عا لبنان ؟
ومشوف سما الزرقا بلا دخان ،
ومندوق تين المستوي السكعان ،
وعنقود عنب من دالة القصيف ،
ومنتام برا تحت تينتتا ؟

وقولك — منقعد بعد فوق العرش ؟
«بضهر الحصين» هونيك ، صوب الحرش .
هيدي قصور مزينه بالقرش
أخضر ، منقط ، كل نقطه شكل .
يا ريتنا بجضانها متنا !

وقولك — بعد منحوك البلان ؟
وزهر الصليب ، وشقايق النعمان ،
والزوزيق ، والورد بينسان .
ويا طول شوقي لريجة الزعتر !
هوذي صحاب كانوا يجيرتنا .

وقولك — منسمع كرهة العصفور؟
ومنجيرة الرعيان والزموور،
«وبعقة الجدي» و «معقة القرقور»
نغات حلوه تضيع بالوادي.
يا ما، ويا ما، قبالها بهتنا.

وقولك — منعمل خيمة الوزال
عالسطح؟ ومنقعد براحة بال؟
كان النسيم يركد يمين وشمال.
وعاتشخشو، وعاصوت «جبل القرت»،
كنا نقضي كل سهرتنا!

النتيجة

قومي تنكتب لأبن خالتنا:
«إنا كرهنا هون عيشتنا»
فكر السفر بيشيل من بالو،
ويينظر يا مي، رجعتنا! ...»

فهرني معك! ...

ان غبت ، وأن ما غبت - عيني بتقشعك ،
وأن قلت «إي» ، وأن قلت «له» ، ماشي معك!
وأن كنت ناوي تفلّ من دون مشوره ،
كلمي وغطاها : «الر كد مش راح ينفعك» .

وان كنت ناوي تفلّ ما تقلش لحدنا
عا سلامتک ، يا ما تعب بيروح سدى!
كنا مبارح عزّ واليوم شو بدا
تا تفلّ ، وما تقايش وين بدك تحلّ?
بالتقليله ، صبور حتى نودّعك .

تا تفلّ من دون ما تقليّ - يا سلام!
إن كان كلو ، هيك ، ييصفي الغرام
شو عملت معك؟ قول . لا تحرد قوام!
ذني الكبير - كنتك مولّفي ذنوب ،
«حكي تسمعك ، ومشي قبالي تقشعك» .

ذنبى الكبير كنتك مولفلى ذنوب ،
حبك . وعتو ، طول عمري ، ما بتوب!
لا تقلش : انك رحتمسدودي الدروب .
ان طرت يما غرت بدي الحقك .
حاجي بقا لاطي « بفيّة اصبعك » !

ان طرت - وين بدك تطير؟ ما في نوى !
راح بلحقك عالاً تر ، ومنمشي سوا .
وكرمال عينك بحتدل ظلم الهوى .
وأن كان - ما في طب - ناوي عالسفر ،
أحسن عليك تقنع ، وتاخذني معك !

وبكمونوا سمه !!!

غمضت عيني . وقلت لليالي العتاق :
صفتي معي حسابك بقا . بدي العتاق .
دشّرت كار الحب ، يحرق ساعتو !
ما زال آخرتو مرض اسمو الفراق .

دشّرت كار الحب ، كرمال عينها ،
ناشوف شو بيصير بيني وبينها .
عاضض عجرجي ، ومصطبر عا بينها .
ليس بدّ ما تختّم جروحات الهوى ،
ومش عاوز الترياق . خليه بالعراق !

ليس بدّ ما تختّم جروحات الهوى ،
وزقّف ، وغني ، وقول : مش عاوز دوا .
ايام راحت نزع . الله يهدّها . . .
يا حسرتي ضيعان ما سهرنا سوا ،
وضيعان ما وشوشتها « بلزق الطباقي » !

يا حسرتي ! ضيعان ما وشوشتها !
ايام راحت • ريتني ما عشتها !
آمنت باسم الحب لكن بالاخير ،
من قبورها سرار الخفيته نبشتها :
رطل الحبه : « تنا عشر وقية نفاق » !

آمنت باسم الحب ، لكن بالاخير ،
ألفين مره كفرت ، بنهار القصير !
شوك وابر • والناس بتظنو حرير
ما نمت ليله قبلما تصيح الديوك ،
ولا شفت حالي يوم عايش عارواق •

ما نمت ليله — قبلما تنام النجوم ،
وكان لي قلب مرتاح شبعتمو هموم •
من شهر ، من شهرين ، ما إلها رسوم •
مدري غنج ، مدري جفا؟ وعما كل حال
ماعدت قادر طيق • شدت لي الخناق •

مدري غنج، مدري جفا، وعا كل حال ايغ
راسي أنظرم . ما عاد عندي احتمال .
قلتها : من زمان خايف تجردي .
قلت : محال . قلت : مبل . قالت : محال !
حب الصحيح ما لو فراق ولا طلاق .

قلتها - وقضيت عمري قلها :
مليح الدلال والغنج لكن حياها !
بعد الاخير هيدي الحقيقه كلها :
عدروها راح بنصب نخوخ وشرك ،
وبطالها ولو كانت بسبع الطباق !

وبطالها ولو كانت بأخرا دني
هادا الصحيح ما عدت حب الولدني !
فارقها ، وقلبي هلكني بجوصتو ،
امن شهر ، من شهرين ، ويكونوا سني !
وليس بدت ما ترجع ليالينا العتاق !

جرستني

دوت قلبي ، وعالروپ سَوَحْتِي ،
لَمَن كَتبتَلَك ، وما جاوبتني .
ومن كتر ما شنشعتني يا بن الحلال !
جرستني . بين الخليقه فضحتني .

ومن كتر ما لَوعت قلبي بالهوى ،
يدست شلوشو . وياحرام كيف استوى !
قلبك ، وقلبي باخيال ، عاشوا سوى ،
ولَمَن وصلنا للحقيقه تركتني .

قلبك ، وقلبي ، من اخیال تلّو القرب ،
ولَمَن وصلنا للصحيح قلبك هرب .
بدك تقللي ، بهالديقه ، شوالسبب ،
يا بقلك : مش حرام حربقتني ؟

الرايحين أكثر من الجايين ١

العندليب السامع صياحو ،
فراق الجايين كسّر جناحو .
اصحا تلمو ، حالتو بالويل ،
وصندوق صبرو ضاع مفتاحو !

اصحا تلمو ، يافريد جهور !
منعمرو ، ويوقع القعقور .
ما زال عميصوفر البابور ،
والرايحين أكثر من الجايين ،
داعيك مش راح تختم جراحو .

ما زال عندو حباب خلف البحر ،
من طاقتو مش راح يفوت الصبر .
يا صاحبي قطعنا الورق والخبر ،
من كتر ما منخرق مكاتيب .
وهّم الفراق بتزرزب قداحو !

١ إلى الدكتور فريد جهور الشاعر في البرازيل — جواب على خطاب .

من كثر ما منقول مشتاقين ،
لبطرس ، لشبل ، لاحمد ، لغسطين .
هالراكدين تايجمّو ملايين ،
ومدشرين لبنانين للغرب ،
وشاشن ربي عبلاط ، وأرتاحو !

ومدشرين لبنانين مقهور
ولاطين عنّو خلف سبع بجور .
ليّنت صخر الصّم ، يادكتور !
من كثر ما بتقول : بالبنان !
وليش ما بتجي ، وبتجبلنا الراحو ؟

من كثر ما ردّدت عشفافك .
نعمات حسّونك بصفصافك .
كاتبتني ، ممنون أطفافك !
ولا يكون هالمكتوب بيضة ديك !
باحلاوتو ! ما أظرف صياحو !

فهرري در زباني

لا تهرري مني ! سمعيلي كلمتين :
يا بتذكري ، يا بتدسي مرتين !
مش فايقه - لمن تلاقينا سوا ،
وما كمنش شايفنا حدا ، بضر الحصين ؟

مش فايقه - لمن تلاقينا سوا ؟
هونيك • والديطور ما كان استوي •
وفتتح عوجك شي - بينقلو الهوى ،
وقرنفلانو الحمر تلسوا الميلتين ؟ !

وفتتح بقلبك شي - بينقلو الغرام •
لا تهرري ! مش هيك ؟ يا بنت الحرام ؟
مش فايقه ، لمن بعثلك سلام
وجاني الجواب : سلام قدو خطرئين !

وجاني الجواب - ما فيه ولا درهم عتب .
شو غيرك؟ شو بدلك؟ والله عجب !
صارلي سني ، وما عرفت شو كان السبب ؟
بحياة ربك ! خبريني بكلمتين !

بحياة ربك ! خبريني شو بيكي ؟
بس تلمحيني بتهري ، بتتلمبكي ؟
حاج تركدي ! راح دوب ، من كتر البكي .
وييني ، وبين الموت هونيك فشختين .

حاج تركدي . راح دوب ، من كتر الشقا
إن كان شغلك دلغي ، حاجي بقا
يا مي ! وأن كنت بغيري معلقا ،
روحي ! أهربي - ومثلك خدي دزبنتين !

صابر مثل الوب ٠٠٠!

ما بينفرج ، تا تعود صيصانو ،
ولو حاشروا المليون سكانو .
ويضمّ قلبو مشوشط ملوع ،
ما زال طيرو مفارق غصانو .

يضمّ قلبو مثل قفّة همّ ،
وبتضمّ عينو مثل بركة دم .
ما بتنفع الخاله بدال الأم ،
والخيّ ما بيغني « اللقيط ، عنو ،
والقمح ما لو حيل بزوانو !

والخيّ ما بيغني اللقيط عنو ،
وسن العياري مش مثل سنّو .
آكل زانا ، وبايض بقنّو ،
طير الغريب ، الشرّو الطوفان .
ولبنانا ما صار لبنانو !

طير الغرب الشرّودو الطوفان ،
كيف حاسبنو من طيور لبنان ؟
بفرد قمزه - ابن سنة زمان
ييصير شبّ . وبعد رمشة عين ،
بتسابق الغزلان سيقانو ؟

ييصير شبّ . وبعد رمشة عين ،
بدل الوطن ييصير عندو نئين .
و «ابن العرب» ، لو سايلاه مئين ؟
بيختار كيف بدو و يردّ جواب ،
ومن الخجل يتغيّرو لوانو .

بيختار كيف بدو و يردّ جواب ،
بطل يكون «من هون» لمن غاب !!
ياحاضرين - هي حالة الغياب .
ولبنان - عاها الحالة المرّه ،
صابر مثل أيّوب بزمانو !!!

الله يسرّ عليك !

ما كتبتي لي ، لأن كتبتي لك ؟
بجياة ربك ! شو عملتلك ؟
كتبو حرّاد • ليش الحرد تنشوف ؟
وكتبو خيانة عهد ، يادلك !

كتبو زعل ماعرفت شو جابو ؟
من شهر - صارلي بنق عحسابو !
هالشهر - ريتو يقبر صحابو !
طيّر صوابي ، وهدّي حيلي •
ومش راح تجاوب • بعد ما حالك !

ومش راح تجاوب • ليش؟ شوها الكفر؟
شو فتني نجومك ، صلاة الظهر •
وتنقول إني مذني ، بهالشهر !
لوعرفت ذني بقلعو من الشلش •
بدك تقلي بس : مين قلّك ؟

بدك تقلي : شو جرى ، وشو صار ؟
ناعملتني ، بين البنات ، معيار !
لو كنت هون ، بنشوف شوفي خبار !
وشو حاملي تزريك كرمالك ،
وشو الناس ، بحقي ، عمبتفلك !

وشو في متالي بيسألوني ليش ؟
ويوشوشوا بعضن ، بقول : ما عليلش !
بجاكيك وأنتا مثل برج محيش !
غير ، وبدل - شو عملت معك ؟
وكتوب ، يما شرف محلك !

وكتوب شي مكتوب كيفا كان ،
 تايشري منك بلا ميزان .
 تختختلي عضامي بشهر زمان .
 كيف لومضي عليتي سنين وشهور ؟
 سماع ، يا كافر ، شو عمبلك ؟

سماع مليح . وما بتردّ جواب .
 سكر الباب يتافتاح الباب !
 بحسب ، وما صاقبش معي حساب .
 ب حياة ربك ! قول شي كلمه ،
 ناشوف عدايي مين حطّل لك ؟

ناشوف كان ناوي تضمك هيك ؟
 كيفا عملت الحق كاو عليك .
 حردان ؟ هي شغله بسيطه ! «وليك» :
 كتسو سبب هجرتك خيانة عهد
 ما بوقتفك . الله يسهلك !

سرهم اتلو الرب!

(١) دخلك ، يا بونا ! بعد هالكلمي :
عمللو ، لهالمنحوس ، شي جقمي !
وهالأسلي ، لالتجيب سيرتها
قدّام حدا . سرّ اعتراف رسمي .

شغله بسيظه . حاج ترشي دموع .
ولا ينشغل بالك بهالموضوع !
راح نبتسو ، وانتي غلّقتي الشباك
وقولي ، يا بنتي ! «مع ألام يسوع» .

(٢) تختبئها . شو هالشغل بالياس ؟
ما خفت ربك ، خاف حي الناس
الزعران ما عملوش هالشغله !
عالحساب ماتك خفيف الراس !

يا محترم ! ليش عمتقللي هيك ؟
شوعمات ؟ مين ضاحك ، اليوم ، عليك ؟
سكوت ، باصبي . ههي خبرتني اليوم .
يا حيف يعمل هيك ابن البيك !

قال من بعد ما راحت السهره ،
عربشت ، مثل اللص ، عالشجره ،
وفت من شباك أوضتها
تقبر موانك ! ليش هالحشره ؟

بلكي عرف بيّا ، وإخوتها ،
كيف شكل بدنها تكون حالتها ؟
التوبه ، يابونا . بُوعدك إني
طول العمر ، ما بنحشّ اوضتها !

٣) استنقر من الخوري ، ومالو ذنب .
الياس ما بينام تحت الغلب .
بيحبها ، والدرب مسدودي ،
وعن يد خوري سَهَسَلتْلو الدرب !

وبَسَّ قالوا خِلصِتْ السهره ،
عزبش ، بقلب كبير ، عالشجره ،
وفات من شباك اوضتها .
كانت ، بقلب ورب ، منتظره !

شجرة العذاب

تركت المدينة ، ورحت عالفياي ،
بلكي بشحّل شجرة عداي .
رجعت منها منجلي مكسور !
وما رجعت الاشرمط تياي ...

تركت المدينة وجيت - قلبي ينقّط دمّ .
وحياتكم ما لقيت - الا شلاعي همّ .
شفت الفصن ييلوح - بعبايتو الخضرا .
نيّال دينك روح - قلبك بلا حسرا
قال : قوم حاج تنوح - ورجاع شي خطرا

بشوفني عربيان ، يامكلوخ ،
وعمبتبكي عند جرحي ، الامّ
تركت المدنيي ، ورحت عالغابي ،
بلكي بشحل شجرة عداي !

عيطت للعصفور ، تا شوف كيف حالو ؟
قلبي : القلب مقهور ، والموت أحلا لو .
بتعب ، وبعمل وكر ، بيطلع نصيب ولاد ،
وما بأمن على العمر ، ما زال في صياد .
تلتين عمري قهر ، وتلتين قهري فقاد .

وان كنت سامع كرتي ، ومغشوش ،
هادا بكي ما تقلش : نيّالو !
تركت المدنيي ، ورحت عالغابي ،
ما رجحت الا تشرمط تياي .

تندثر الارواح! ونشوف صخر الصمّ •
شفت الجبل مرتاح ومشيت صوبو يمّ •
تدمّر من طلوعي ، وقلبي ، انت وهمان!
مش شايف دموعي ، بتسيل بالغدران ؟

ما في ولا طلعه بلا نزلي ،
ولا في عسل الا قبالي سمّ •
مش راح بتيبس شجرة عدابي
شايفلكم تا اطبق كتاي؟!؟

(١) بوطنوس

مغناة لبنانية تمثيلية — فصل واحد

المشهد الاول

بوطنوس ، شبل — قرب خيمة بو الياس

بوطنوس وين رحتمو ، يا صحاب الدار ؟

وين بيّك ؟ وين ؟

شبل راح مشوار !

بوطنوس الله يخليك ! روح ندهلي ياه ،

وقلّو يشهل تتف . عندي خبار .

المشهد الثاني

بوطنوس وحده

بوطنوس شو هالسنه ! لا حمص ، ولا شعير ،

ولا باقيه ، ولا قمح ، ولا تعثير .

شو هالسنه ! ضيعان ما تعبنا !

وضيعان ما جرت بقرنا النهر .

شو هالسنه المره ! و لك يا ناس !

لولا شوي ، يجلف على المساس !

(١) وضعت سنة ١٩٤٧ وكانت المواسم الصردية ممحلة تماماً

قلنا ملىح • بوعوض اللوبي •
 وقلنا ملىح • بيعوض القلقاس •
 شرف المن ، وشرف الجعفير !
 قلنا ملىح • بيعوض القلقاس •
 ومنبيع لوبي • منشتريلنا مداس •
 حفيينا يا ناس • وبيتنا بلا بلاس !
 مزكد ، مزكد — والعشا قريصات ،
 مش عارفيننا : قمح مدرري شعير ؟
 مزكد ، مزكد — والعشا قريصات ،
 وما في تبين تا نطعم البقرات •
 نيال جدي بجميث جدي مات ،
 نيال سقي شندفت بكير •
 ونيالنا بكره بييجي الجايي •••
 مخمن الفلاح نابش مخايي !
 وان ما عطيتوما بياخذ طناجر ،
 بياخذ قدور ، ودسوت ، وخوابي •
 وآنك دشروا الفلاح ، شوفو المير !
 وآنك دشروا الفلاح ، يا اخوان !

• ينحت صخور تايغيش - المينان •

سلطان مخفي كان بزمانو ،

• صبّح بأخرة الزمان طفران •

ومختمين ، بالبحر ، لو بوابير ،

• سلطان مخفي ، كان ببلادو •

صابتو بالعين حسادو •

ان « أقبلت » يصبّد مصاري ،

وان « املت » يسنّر ولادو •

انسدت بواب الرزق ، والتيسير •

(يتطلع عينا وشمالا ثم يقول :)

بدنا يجي بولياس من المشوار ،

تنشوف كان يبيعنا الدايي :

منعطيه بدلا عجلنا الاعتر ،

• بلكي بيرضى - دبس بزلاي •

• جحش الحمار العندنا تعتر •••

رزقا شحيحه • يسلم الجايي :

يجو إجا ••• اهلا بشيخ الكار !

المشهور الثالث

بوطنوس — بولياس

| | |
|---|--------|
| اهلا وسهلا بزينة صحابي . | بولياس |
| صارلي زمان ناظر ، وانا محسّس . | بوطنوس |
| بنظم شعاره ، وبشرح مصابي : تا عدت جيت . وين كنت يا مظنطو ؟ | |
| كنت داير حوش عشابي . | بولياس |
| اهلا وسهلا مليح الجيت | بوطنوس |
| كناراح نخرد ونفل | |
| حكياتك لمن حكيت | |
| بنفسج وقرنفل وفل | |
| وطلاتك لمن طلّيت | بولياس |
| مثل القمر لم يبطل . | |
| روتج حاكيني تمسيت | بوطنوس |
| بدي ارجع اسقي الجبل | |
| متوش راح يهرب البيت | بولياس |
| بيضم يقول : بدي فل | |
| بتعشى عنا | |
| تعثيت | بوطنوس |
| كيفك مستعجل بتضل | بولياس |
| منعملك بيضات بزيت | |
| ولبنيته | |
| احلى من الكل | بوطنوس |

لكن ، لا تشدّ عليّ
 أت تركني بحياة العرسان
 بيتشعل فكرن فيي
 بدي ارجع صاري زمان
 حاج مستعجل يا خيي
 وقللي ليش تانك زعلان
 ما بتحب اللبني؟

 قلتلك مينش جوعان:

بولياس

بوطنوس

لا كبه بالصيني ولا كل شي في شكال ولوان
 بها لسنة المحوي بتفرّح قلب الحزنان .
 يقلعها هالصيفي بدّها تمرضني بالسل :
 بيكفي هالضيف المنحوس هوّ رلي جحش الحمار !
 وقع من فوق القرقوف ضم يد حرج تاتكسر
 شور عليّ عمول معروف بتبيع دابتكم يا جار ؟
 فلوس مني مش راح بتشوف عندي هالعجل الاعتر
 خدلك صوف ، وعطيني خروف . بتقبل بما بتكبر ؟
 يا بولياس ! مانك مبلوف ، وعنك لا بجل ولا بزل .

بولياس

عاحسابك يا بوسمرا !
 الدايي وضحاب الدايي
 بدي اعملك سهرا وجهتلك هالعزابي
 وبقي بحكيك عابكرا وبصفيك حسابي .

ما بتذكرها كخطرنا لمن غدرنا الجايي •
 بوطنوس والله! ما بنسى ذكرا بعدا بقلي عمبتعل!
 بولياس هاتق اجونا الاخوان تنساو يأن الديوان!

المشهد الرابع بوطنوس • بولياس • لياس • شبل • مهنا

الاخوان الله يسيكم بالخير
 بوطنوس وبولياس يسعد مساها الكدعان
 مهنا كيف حال جدي بوطنوس
 بوطنوس المتحوس بيضو منحوس
 الياس نشالله تجوز المحروس
 بولياس لا بعدو متلك هشلان
 بوطنوس كأبني! مش سنة جازي هالسنة سنة جنازي
 مهنا اللي بيتجوز بالعازي بيقتضي زمانو هفيان!
 بوطنوس ييضم ينق، وبالهموم قلبو ييفق،
 ليش النق، وليش الطق؟
 بوطنوس تخمين ما تك بلبنان؟
 تخمين ما تك بصنين؟ ومش شايف كيف خربنا •
 كانت تنسف التسعين حقتنا يا صاحبنا!

روح شوقا شوك ورزّين ، وزوان — غلة حقلتنا .
وكيف بدنا نعيش مبسوطين ونرقص ونغني قصدان

لا ترقص ولا تغني ! طق وموت - سماع مني
شوتخمين كانت جني بلادك ، من قبل الطوفان ؟
كل عمرا - قلاعي وصخور ، وقحاجاتا ما يتلو الكور .
صار بدو يقني بابورا ، ويشحن فجبل وباننجان .

شبل

صار بدو يتلي خلاقين دهب من ضر «الشعنين»
رضا بالقمي يامسكين ! ولو كانت شوفان وزوان !

لياس

سهر ا مرتسي يا بولياس ! راح تضحك علينا الناس !
نغمي بتدوخ الراس ! سككت ابنك هالشيطان !

بوطنوس

يا جدي ! رضا بالقمي

لياس

راح تاكلك شي جقمي

بولياس

يا بطّل هالنغمي

..... وتخمين جدو كان سلطان ؟

لياس

جدو كان سلطان كبير !

بولياس

..... سلطان وعما كتفونير ؟

لياس

وشو محسّب لبس الحرير ، بيرّيح قلب الانسان ؟

بولياس

حكيك يا عمي بولياس هالمره ما عليه قياس !
 هلق حامل المساس ، مثل الحامل صولجان ؟
 وألما عندو غير جرة ؟ مثل اللي عندو كرتة ؟
 واللي يحكم عالبقره ؟ مثل الحاكم عالبلدان ؟
 واللي بيو كان نوري ، مثل البيو كان خوري ؟
 والمعو ورقه سوري ، مثل اللي معو رنان ؟
 واللي تهوّر حمارو ، مثل اللي حمارو بدارو ؟
 بيسكج عاحمار جارو ، وججي بحالو غلبان !
 عميتجر كش بوطنوس . شافوسكت هالمنحوس .
 بوطنوس كل جلدو فلوس . لا تخمّن انو ظفران .
 ظفران بوطنوس ، عايف هالدي .
 هيدي الحقيقه . راح وقت الولدي !
 لو كان بوطنوس بغير هلبلاذ ،
 كان جمّع ملايين ليرات بسني !
 لو كان بوطنوس بغير هلبلاذ ،
 كان لو شغل . مش قاعد يلمعب ولاد .
 بلاد البلادي ، والبطالة ، والكساد ،

مهنا

شبل

لياس

بولياس

بوطنوس

بزمانها مش راح تشوف عيش الهني .
بزمانها مش راح تشوف عيش الصفا ،
وفلاّ حها هلكان من مشي الحفا
صبرك معي سنتين ، بتشوف الهفا ،
عمري خالص . شو بعد بدو يهمني ؟

بوطنوس ، لا تواخدني بشوفك غلطان !

بولياس

زينتة بلدان الكرهه : جبل لبنان !
فلاحو — بلا طول سيري — عايش مبسوط ،
ولو شفتو ماشي حافي ، ولو كان جيعان !
فلاحو — بلا طول سيري — عايش راضي .
ما بيعرف مين الحاكم ، مين القاضي ؟
بيطول عمر صحابو — فكر القاضي !

يا بولياس الحق معك ! انا الوهمان !

بوطنوس

عندي القعدي عالنبعه ، تحت الشمسار ،
وعندي النومى بالخيمه ، فوق المعبور ،
بتسوى الدنيا ، وما فيها — من خراب وعمار ،
بتسوى الدنيا وما فيها — من دور وقصور .

وقرص عجبتي مقلية ، وظلمة زعتر

وَسَقْفَةُ خَبْزِهِ مَرْقُوقُهُ شَعْلُ التَّنُورِ .

بَسْوَى سَفَرِهِ فَرْنَجِيهِ

..... هَادَا مَسُو كَر .

الاصل الصحة يا خيي ، عند الانسان .

الاصل الصحة ، يا جدي ، لانتق كثير !

لبطتنا بقوة الله ! بتهد الشير !

ولك الله مش تار كنا — عمبيدبر

والدايي منعطيك ياها . بعدك حردان؟

منعطيك الدايا بكره . روح جيب العجل !

وشوف قد يش بدك تعطي حلو بني لشبل !

تكرم دقنو . خاطر كم صار بدنا نقل !

بيروحو ولادي معك . كنتك فزعان !?

الكل

بولياس

الكل

بولياس

بوطنوس

بولياس

الفحم معدن نور!

- قومي تنرعى بمرجة الخضرا!
قومي، يامي، لا تؤجلي لبكرا!
وروحى تنقطف زهرة الحمرا!
قومي تنرعى بمرجة الخضرا!
- راح ييبسو العشاب .
هَي اطيّب الزهرات .

- ليلسا، يامي، صار لونين ،
بالليل حطتي جرتك عالعين .
لون الثلج يبهرز العينين
قومي، يامي، لا تؤجلي لبكرا!
- والنجم عميغور .
والفحم معدن نور!

- مي! فحنا زهرتين رمان ،
شي زر، شي مفتح ،وشي دبلان .
«لو» نحن؟ مدري «هولنا» البستان؟
وروحى تنقطف زهرة الحمرا! .
- بيستان كلو زهر!
شو بدك بهالسر .

فات العصر!

قام الهريبه عسكر المكسور ،
وورقه ، وورقه تترّوا الورقات
باميّ! وراح يرخي العصا الناطور!
وليكي السراج عميحرق الفرפור!

سَرَب الراعي . صار حدّ النهر ،
والشمس نَعَسَت رايحا تاتنام
عَفْرَاشها الاحمر ، بتمّ البحر .
وزرّع الراس بالشيب - فات العصر!

باميّ! راح تَنْفُذ ليالي السود .
روحي معي تأنعفر الكرمات!
بلكي بعد منشفلنا عنقود?
ما بظنّ ايام المّضت بتعود!

قصيدة الموت

هون شاحيني - بعبّ هالصخره .
ولا تولولي ، ولا تنبشي الطره !
هون اشلحيني - ولا تقولي : راح !
لولا الفساد ما كانت الخمره !

هون اشلحيني - هون . حدّ «الوكر» .
«بضهر الحصين» ، ملقى الخيال والشعر .
عندي زهور ، من هون للوادي .
لا تتعي قلبك بياقة زهر !

هون اشلحيني - حدّ هالقلعه .
لا هم ، لا حسره ، ولا وجعه .
عندي دموع الفجر بتكفي .
قولي لعينك : تجبس الدمعه !

هون اشلجيني - حدّ هاليقلوم .
ولا تحملي قلب الرقيق هموم !
عندي حجال ، وبوم ، وشحاريق .
لا تسمعي صوت - ما لو لزوم !

هون اشلجيني - تحت مجرى النور .
ولا تعبسي ! ولا تعاندي المقدور !
ظفي شمعتك . ليش حاملي شمعه ؟
عندي شمس ، ملو السما وبدور .

هون اشلجيني - يجبّ هالزعر .
مطرح ما كناً ، بالهوى ، نسكر .
وشو معدّك ، تا تحرقني بخور ؟
الارض مندبل ، والسما عنبر !

هون اشلحيني - هون • فوق التلّ !
قلبي ملزق هون - ما ييفل •
برجّع زهور ، وعشاب ، وعصافير ،
لمن يموت ، وعناصرى بتنحل !••

هون اشلحيني - وما بكون مغبون •
وفرفجيلي قلبك المحزون !
ولا تكتسرو لي الحكى عاقبري !
اطهر قصيده : « كرة الحسنون » !

هون اشلحيني - ولا تقولي : راح !
ما تكوتت لولا الفساد الراح •
ولا تخميني بجالتي متعوب !
حطاب - نزل حملتو ، وأرتاح !••••

طبعنا من هذه المجموعة خمس
وعشرين نسخة ، على ورق ممتاز —
وجعلنا سعر الواحدة منها خمس
ليرات . وهذه النسخ الممتازة مرقومة
من (١) الى (٢٥)




يطلب العنديلين من ناظمه في
بسكنتا (لبنان) ، ومن ناشره
في سان باولو ، ومن المكاتب العربية .


نحن هذه النسخة




سليم لطف الله





عبدالله غانم






A







1870
1871
1872
1873
1874
1875
1876
1877
1878
1879
1880
1881
1882
1883
1884
1885
1886
1887
1888
1889
1890
1891
1892
1893
1894
1895
1896
1897
1898
1899
1900



**Elmer Holmes
Bobst Library**

**New York
University**

NYU - BOBST



31142 01682 1194

PJ7826.H273 A78 1940z

al-Andal